

Bahagian 2:

Asas Pasaran **Niaga Hadapan**

Ini adalah bahagian kedua siri artikel tentang perdagangan niaga hadapan, dibawa khas kepada anda oleh Bursa Malaysia Derivatives Berhad (BMD) dan OSK Investment Bank Berhad sempena kempen BMD 'Perbualan Niaga Hadapan' untuk mewujudkan kesedaran dan mendidik pelabur tentang dagangan derivatif.

Pada bahagian lepas, sejarah pasaran niaga hadapan dibincang. Dalam bahagian ini, kita akan berbincang bagaimana niaga hadapan berfungsi.

Jadi, apakah niaga hadapan?

Pasaran Hadapan adalah derivatif di mana nilainya bergantung kepada aset pendasar hadapan. Sebagai contoh, nilai niaga hadapan Emas bergantung kepada harga Emas (emas merujuk kepada aset pendasar). Niaga Hadapan dikatakan mencerminkan harga sebenar komoditi tertentu. Kebanyakan pelabur menggunakan niaga hadapan sebagai ramalan arah harga komoditi.

Pergerakan harga kontrak niaga hadapan mempunyai hubungan kait dengan pergerakan harga aset pendasar. Dalam erti kata lain, apabila harga Emas meningkat, begitu juga dengan Niaga Hadapan Emas.

Kontrak niaga hadapan boleh dijelaskan sebagai perjanjian antara dua pihak di mana satu pihak (pembeli) bersetuju untuk membeli dari pihak lain (penjual), aset pendasar pada tarikh masa hadapan pada harga di mana kedua-dua pihak bersetuju pada hari ini.

Aset pendasar boleh ditakrifkan sebagai aset di mana harga derivative, dalam kes ini, kontrak niaga hadapan.

Sebagai contoh, katakan Dorian membuat pesanan penghantaran McDonald untuk makan tengah harinya. Pembelian Dorian adalah sama dengan kontrak niaga hadapan kerana Dorian (sebagai pembeli) telah bersetuju untuk menerima produk (burger dan kentang goreng) pada tempoh masa depan (40 minit kemudian) dengan harga (harga makanan) dan cara penghantaran (alamat yang diberikan oleh Dorian) yang telah ditetapkan dengan Restoran McDonald (penjual) terlebih dahulu.

Sekiranya McDonald ingin menaikkan harga burger dan kentang goreng dalam masa 40 minit yang akan datang, walaupun ianya tidak akan berlaku, tetapi Dorian telah menetapkan harga yang lebih rendah terlebih dahulu. Justeru, Dorian tidak mempunyai risiko untuk membayar perbezaan kenaikan harga tersebut. Perlu diingatkan bahawa niaga hadapan adalah tidak semudah itu namun contoh ini menggambarkan niaga hadapan dengan meminimalkan aspek teknikalnya. Kita seharusnya memahami asas niaga hadapan sebelum berkecimpung secara mendalam.

Perlu diingatkan bahawa kontrak niaga hadapan adalah wajib untuk membeli atau menjual aset pendasar biasanya komoditi, pada masa hadapan pada harga yang telah ditetapkan hari ini. Kewajipan ini seharusnya dipenuhi oleh individu yang memegang kontrak tersebut. Ini bermakna pembeli/penjual bertanggungjawab untuk menunaikan syarat-syarat kontrak pada tarikh luput melainkan jika ia diimbangi. Ini boleh dilakukan dengan menutup kedudukan kontrak daripada individu asal.

Contohnya, katakan John telah membeli kontrak niaga hadapan. Untuk memenuhi tanggungjawabnya, John hendaklah menutup kedudukannya dengan menjual apa yang telah dibeli olehnya.

Ada kalanya, individu memilih untuk memegang kontrak sehingga tarikh penyerahan. Kontrak tersebut perlu diselesaikan secara tunai ataupun melalui penghantaran komoditi fizikal (atau aset pendasar). Contohnya, Melissa ingin memegang kontrak niaga hadapan minyak kelapa sawit sehingga tarikh penghantaran, beliau perlu mencari tempat untuk menyimpan minyak sawit yang akan dihantar kepadanya secara fizikal selepas tarikh penyerahan sebagaimana dinyatakan dalam kontrak tersebut.

Ia adalah penting untuk mengetahui bahawa istilah 'komoditi' yang disebut dalam niaga hadapan mempunyai takrifan yang luas. Komoditi dalam niaga hadapan termasuk komoditi fizikal, instrumen kewangan dan pertukaran wang asing serta indeks saham.

Bukan semua kontrak niaga hadapan akan diselesaikan secara penghantaran

fizikal. Sekiranya kontrak itu tidak ditutup sebelum tarikh luput, pemegang kontrak niaga hadapan akan membayar atau menerima jumlah wang yang sama dengan perbezaan dalam nilai kontrak pada tempoh ia dibuka sehingga harga penutupan yang terakhir bagi kontrak tersebut. Ini dikenali sebagai penyelesaian tunai.

Walaupun senario ini boleh berlaku, namun kebanyakan pemegang kontrak niaga hadapan akan menutup kontrak mereka dengan kedudukan yang sesuai sebelum tarikh luput.

Dalam bahagian seterusnya, kami akan meliputi pemain-pemain utama dalam pasaran hadapan serta peranan mereka dalam pasaran.

Penidakan :

Artikel ini ditulis/disediakan oleh OSK Investment Bank Berhad dan ianya adalah untuk maklumat umum sahaja. Matlumat yang terkandung di sini bukanlah merupakan nasihat/cadangan undang-undang, kewangan, transaksi pelaburan dan/atau (mahupun) sebagai satu nasihat/cadangan pelaburan dan ianya tidak memberi sebarang cadangan atau sokongan terhadap perkhidmatan yang dinyatakan di sini. Pihak pembaca adalah dinasihatkan untuk mendapatkan pendapat yang berasingan sebelum membuat sebarang transaksi pelaburan, penyenaraian dan/atau pelaburan. Walaupun segala langkah telah diambil untuk memastikan ketepatan maklumat yang terkandung di dalam artikel ini, OSK Investment Bank Berhad dan/atau (mahupun) Bursa

Malaysia Berhad tidak menjamin atau mewakili, samada secara nyata mahupun tersirat ke atas ketepatan atau kesempurnaan segala maklumat yang terkandung di sini dan tiada dalam apa keadaan pun Bursa Malaysia Berhad dan/atau OSK Investment Bank Berhad akan bertanggungjawab kepada pembaca mahupun sesiapa diatas sebarang tuntutan, walaubagaimana berbangkit, daripada atau berhubung dengan artikel ini. Semua undang-undang terpakai, peraturan-peraturan dan kaedah-kaedah semasa Bursa Malaysia Berhad mestilah digunapakai bersama-sama dengan artikel ini."